

VENDIM
Nr. 441, datë 17.5.2017

PËR NJË SHITESË NË VENDIMIN NR.321, DATË 28.5.2014, TË KËSHILLIT TË
MINISTRAVE, “PËR SIGURINË NË DET, PLAZHE, NË UJËRAT E BRENDSHME NË
THELLËSI TË TERRITORIT DHE GJATË USHTRIMIT TË SPORTEVE UJORE”, TË
NDRYSHUAR

Në mbështetje të nenit 100 të Kushtetutës, të ligjit nr.9251, datë 8.7.2004, “Kodi Detar i Republikës së Shqipërisë”, të ndryshuar, të ligjit nr.9861, datë 24.1.2008, “Për kontrollin dhe mbikëqyrjen e kufirit shtetëror”, të ndryshuar, të nenit 4/a, të ligjit nr.8663, datë 18.9.2000, “Për regjistrimin, klasifikimin, mënyrën e përdorimit dhe kontrollin e mjeteve lundruese me motor me tonazh nën 20 NT”, të ndryshuar, të ligjit nr.139/2015, “Për vetëqeverisjen vendore”, të nenit 3, të ligjit nr.8905, datë 6.6.2002, “Për mbrojtjen e mjedisit detar nga ndotja dhe dëmtimi”, të ndryshuar, të ligjit nr.10431, datë 9.6.2011, “Për mbrojtjen e mjedisit”, dhe të ligjit nr.93/2015, “Për turizmin”, me propozimin e ministrit të Zhvillimit Ekonomik, Turizmit, Tregtisë dhe Sipërmarrjes, Këshilli i Ministrave

VENDOSI:

1. Pas shkronjës “b”, të pikës 2, të kreut II, të vendimit nr.321, datë 28.5.2014, të Këshillit të Ministrave, të ndryshuar, shtohet shkronja “b/1”, me këtë përmbajtje:

“b/1. Lidhjen e marrëveshjeve me subjektet e interesuara që paraqesin një projekt konkret për përdorimin e sipërfaqes ujore bregdetare për vendosjen e strukturave të përkohshme, jo të lëvizshme, me qëllim argëtimin e turistëve. Këto marrëveshje lidhen për periudha deri në 4 muaj në vit, gjatë sezonit turistik veror, me të drejtë rinovimi. Tarifat për përdorimin e hapësirës detare, ujërave sipërfaqësore, për qëllime turistike, përcaktohen sipas vendimit nr.662, datë 21.9.2016, të Këshillit të Ministrave, “Për miratimin e tarifave të përdorimit të ujit dhe të shkarkimeve të lëngëta”. Në marrëveshje parashikohen detyrimet e subjektit për zbatimin me korrektësi të të gjitha masave të parashikuara për sigurinë, shëndetin, higjienën, mbrojtjen e mjedisit dhe kushte të tjera të parashikuara në legjislacionin në fuqi. Inspektimi i këtyre zonave të kryhet nga Drejtoria e Përgjithshme Detare, në bashkëpunim me institucionet e tjera që ngarkon me përgjegjësi ky vendim.”.

2. Ngarkohen Ministria e Zhvillimit Ekonomik, Turizmit, Tregtisë dhe Sipërmarrjes, Ministria e Transportit dhe Infrastrukturës dhe njësitë e vetëqeverisjes vendore për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi